

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-291-55/18

Datum: 26.07.2022. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Evropski univerzitet “Kallos” Tuzla** a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

PREPORUKU

o akreditaciji visokoškolske ustanove **Evropski univerzitet “Kallos” Tuzla**

O b r a z l o ž e n j e

Dana 29.05.2018. godine Agencija je zaprimila od Ministarstva obrazovanja i nauke Tuzlanskog kantona, (u daljem tekstu: Ministarstvo) Zahtjev za provođenje postupka eksterne evaluacije **Evropskog univerziteta “Kallos” Tuzla**, broj: UP1-10/1-38-016365/18 od 24.05.2018. godine sa prijedlogom od samo pet predloženih stručnjaka za Komisiju stručnjaka, koja je brojala dva predstavnika akademske zajednice u BiH i po jednog predstavnika iz kategorija međunarodni stručnjak, predstavnik privrede i prakse i student. Kao prilog pomenutom Zahtjevu između ostalih dostavljeni su Zahtjev za akreditaciju i Samoevaluacijski izvještaj predmetne visokoškolske ustanove.

Agencija je 13.06.2018. godine uputila dopis broj: 05-33-1-291-2/18 kojim od ovog Ministarstva tražila da pošalje prijedlog za imenovanje komisije stručnjaka koji sadrži tri puta veći broj stručnjaka za svaku kategoriju od minimalno predviđenog broja za akreditaciju. Istim dopisom je traženo da se dostavi i samoevaluacijski izvještaj ustanove i na engleskom jeziku koji nije dostavljen uz gore pomenuti Zahtjev. Dopisom broj: UP1-10/1-38-016365-1/18 od 15.08.2018. godine Ministarstvo je dostavilo traženu dopunu prijedloga za imenovanje komisije stručnjaka kao i osam primjeraka samoevaluacijskog izvještaja visokoškolske ustanove na engleskom jeziku koje je Agencije zaprimila 21.08.2018. godine. Dopisom broj: 05-33-1-291-4/18 od dana 17.09.2018. godine Agencija je tražila od Ministarstva dostavljanje samoevaluacijskog izvještaja izrađenog u skladu važećom Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16), jer je ranije dostavljeni samoevaluacijski izvještaj bio izrađen u skladu sa dokumentom

koji nije bio na snazi (Odluka o kriterijima za akreditaciju visokoškolskih ustanova u BiH "Službeni glasnik BiH"; br: 75/10 i 44/13).

Dana 02.11.2018. godine Ministarstvo je dopisom broj: UP1-10/1-38-016365-3/18 od 30.10.2018. godine dostavilo samoevaluacijski izvještaj predmetne visokoškolske ustanove urađen u skladu sa revidiranim kriterijima. Agencija je dopisom broj: 05-33-1-291-6/18 od dana 07.05.2018.godine obavjestila Ministarstvo o potrebi dopune prijedloga komisije stručnjaka, jer su dva stručnjaka iz kategorije student iz ranije dostavljenog prijedloga izgubila status studenta. Ministarstvo je dana 30.05.2019.godine dopisom broj: UP1-10/1-38-016365-4/18 od 27.05.2019. godine dostavilo prijedlog zamjene za dva studenta. Nakon toga je Agencija uputila dopis Ministarstvu, broj: 05-33-1-291-9/18 od dana 01.10.2019. godine u kojem ih je informisala da postoje saznanja da su neki od predloženih članova komisije stručnjaka iz kategorije predstavnici akademske zajednice bili angažovani na predmetnoj visokoškolskoj ustanovi, a što upućuje na sukob interesa. Također, navedeno je i da su predloženi studenti već više puta bili članovi komisija stručnjaka a što nije primjer dobre prakse. Od Ministarstva je tražena dopuna prijedloga u skladu sa navedenim činjenicama, nakon čega je Ministarstvo 13.11.2019.godine dopisom broj: UP1-10/1-38-016365-5/18 od 11.11.2019. godine obavijestilo Agenciju da je u procesu dopune prijedloga, te je od Agencije traženo da navede broj stručnjaka koje je dodatno potrebno predložiti. Agencija je uputila dopis broj: 05-33-1-291-11/18 dana 13.11.2019.godine i obavijestila Ministarstvo da je potrebno dopuniti prijedlog sa stručnjacima iz kategorije akademska zajednica i studenti, nakon čega je Ministarstvo dopisom broj: UP1-10/1-38-016365-6/18 od 26.11.2019. godine dostavilo traženu dopunu stručnjaka za kategorije akademska zajednica i studenti.

Agencija je, postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016.godine, nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama) u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-291-14/19 od dana 29.01.2020. godine, kao i naknadnim izmjenama pomenutog Rješenja, broj: 05-33-1-291-22/18 od 06.01.2021., 05-33-1-291-32/18 od 25.08.2021., 05-33-1-291-38/18 od 22.10.2021., 05-33-1-291-49/18 od 12.01.2022. te 05-33-1-291-52/18 od 10.02.2022.godine.

Dana 18.07.2022. godine Komisija stručnjaka je Agenciji dostavila Izvještaj o eksternoj evaluaciji visokoškolske ustanove **Evropski univerzitet "Kallos" Tuzla** (u daljem tekstu: Izvještaj), radi izdavanja preporuke o akreditaciji visokoškolske ustanove.

Uvidom u Izvještaj, utvrđeno je sljedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini i engleskom jeziku, te
- da je u skladu sa Odlukom o normama i Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16).

Komisija za davanje preporuka je nakon individualnog analiziranja dostavljenog Izvještaja Komisije stručnjaka, a u skladu sa zadacima Komisije za davanje preporuka propisanih Instrukcijom o načinu davanja preporuke o akreditaciji visokoškolskih ustanova i studijskih

programa i naknadnom izmjenom pomenute Instrukcije (u daljem tekstu: Instrukcija), nakon održanih individualnih konsultacija, razmijenila stavove i zapažanja, te zaključkom predložila direktoru Agencije da postupi u skladu sa članom 5. stav 1) Instrukcije, a prema Mišljenju Komisije stručnjaka o ishodu akreditacije za visokoškolsku ustanovu Evropski univerzitet "Kallos" Tuzla.

U skladu s Odlukom o normama, Komisija stručnjaka je ocijenila ispunjenost deset kriterija za akreditaciju opisnim ocjenama, kako slijedi:

- a) Politika osiguranja kvaliteta: *znatno ispunjen*
- b) Izrada i odobravanje programa: *potpuno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *potpuno ispunjen*
- e) Nastavno osoblje: *znatno ispunjen*
- f) Resursi za učenje i podrška studentima: *potpuno ispunjen*
- g) Upravljanje informacijama: *potpuno ispunjen*
- h) Informisanje javnosti: *znatno ispunjen*
- i) Kontinuirano praćenje i periodična revizija programa: *potpuno ispunjen*
- j) Periodično vanjsko osiguranje kvaliteta: *potpuno ispunjen*

Visokoškolska ustanova bi trebala po prijemu Rješenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima;
- vremenski okvir za realizaciju preporuka kao i potrebne finansijske i ljudske resurse;
- definisane mjerljive indikatore za praćenje realizacije Akcionog plana.


Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, **daje preporuku nadležnoj obrazovnoj vlasti da izda rješenje o akreditaciji visokoškolske ustanove Evropski univerzitet "Kallos" Tuzla**, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH.

Direktor

Prof. dr Enes Hašić

Dostaviti:

- Ministarstvo obrazovanja i nauke Tuzlanskog kantona
- Evropski univerzitet "Kallos" Tuzla
- Sektor 05
- a/a



www.hea.gov.ba, e-mail: info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

